

Ráđđehus evttoha bargguhisvuođadorvolága, bargguhisvuođaovdduid ruhtadeamis addojuvvon lága ja bargguhisvuođakássalága gaskaboddosaš rievdadeami

**Evttohusa ulbmilin lea nannet bargguhisvuođadorvvu dárbbasheaddji olbmuid ekonomalaš sajádaga koronavirusepidemiija dagahan váttis ekonomalaš dilis.**

Bargoaddit leat ferten vuogáiduhttit doaimmaideaset koronavirusepidemiija dagahan gávpejođu he-  
djoneami dihte. Ráđđehus evttoha bargiid áigái boađu nannema dilis, mas mánggas leat gártan bargguheap-  
min dahje luopmuduvvon.

Ráđđehus evttoha rievdadit gaskaboddosaččat bargguhisvuođadorvolága, bargguhisvuođaovdduid ruhtade-  
amis addojuvvon lága ja bargguhisvuođakássalága.

Ráđđehusa evttohusas evttohuvo:

- Bargguhisvuođadorvvu álgima ovddit viđa beaivvi vuordináigi geassáduvo. Dát guoskkašii ánsobeaveruhtii, vuodđobeaveruhtii ja bargomárkandoarjagii. Doarjaga dáid beivviin ruhtadivččii stáhta.
- Bálkáoažžu barganáigeeaktu oaniduvvošii. Barganáigeeaktu lea eaktu bargguhisvuođabeaveru-  
đu fidnemii. Bálkáoažžuid barganáigeeaktu livččii 13 kaleandarvahku go dat lea dál 26 kale-  
andarvahku. Fitnodatdoalli ii-oamasteaddji bearašlahtuin barganáigeeaktu livččii 26 kaleandar-  
vahku, go dat lea dál 52 kaleandarvahku.
- Luopmudeami vuodul máksinláhká bargguhisvuođabeaveruhta ii golahivčče bargguhis-  
vuođabeaveruđa guhkimus máksináiggi. Nuppástus nappo buoridivččii dorvvu, juos bargguhis-  
vuolta guhkošii.

“Vealtemeanttun ráddjendoaimmaid ekonomalaš ja sosiálalaš hehtejeaddji váikkuhusaid lea dehálaš bastit  
geahpidit viidát mánggalágan vugiiguin. Luopmuduvvon dahje barggu massán bargiid ekonomalaš dorvu  
nannejuvvo dál ráđđehusa vuosttas doaibmabidjoollisvuođa oassin”, sosiála- ja dearvasvuodaministtar  
Aino-Kaisa Pekonen lohká.

Láгат boadášedje fápmui nu johtilit go vejolaš ja livčče fámus 6.7.2020 rádjái. Nuppástusat heivehuvošedje  
máhcevaččat 16.3.2020 rájes.

Evttohus laktása jagi 2020 lassebušeahttaárvalusevttohusii ja lea oaivilduvvon gieđahallamii dan olis.

Evttohusa válmmaštallama bálddas lea čielggaduvvon bargguhisvuođadorvvu eará eavttuid oasis  
vejolašvuođa njuovžilmahttit ovdduid máksima. Čielggadanbargu joatkašuvvá hohpolažžan.

Lassedieđut: Marjaana Maisonlahti, ráđđehusráđđi